

[www.BibleForChildren.org](http://www.BibleForChildren.org)

# Matiu 8



Kəmən niəh in, katol marit kit əpəh Kena, latuənu kit e Kalili. Kən mama rəha lesu in əpəh ikin ilat min. Kən ilat kotaun-in-pən mīn lesu ne rəhan mīn netəmim, məmə ilat mīn okotuwin e marit əh.



Kən e nian əh, kəmotənīm rafin wain, kən mama rəha  
lesu tən-ipən kəm in məmə, "Rəhalat wain təmikə."  
Məto rəhan mama tən-ipən kəm iolwək mīn rəha marit  
məmə, "Itəmat onəkotəkəike motol natimnat rafin itəm  
in otən."



Kən Iesu tən-ipən kəm netəm koatol wək məmə, "Otətu-pən nəhau e nuwigi nat min un." Kən kəmotətu ilat kotərioah wir. Kən tən-ipən kəm ilat məmə, "Otətu rəkis nəhau neen motos motuwın kəm etəm tərəmərə e marit." Kən ilat kəmotol mihin.



Kən nian suah un tēmənīm asgəwīn, mətō nēhau tīnol  
rəkis wain lan. Mətō etēmim itēm tərəmərə e marit u, in  
təruru mēmə kəmos hiə  
wain u. Netēm mīn əm un  
itēm kəmos nēhau  
motuwa, ilat əm kotitun.




Kən etəm tərəmərə e marit təmaun-in etəm  
təmol marit, mən-ipən məmə, "Nian rafin netəmim  
kotaupən motos-iarəp wain  
wir, kən uarisig netəmim  
kotənim tepət un, kənu  
kəpanos-iarəp itəm u  
təsəwir pikən. Məto  
ik natos əh itəm  
təwir muwa  
mətoarus-pa  
u-roiu."





Kən inu nəmtətin itəm Iesu təmətuoun aɡin-əh lan mol.  
Kən in təmol ikin Kena, latuənu kit e  
Kalili. Nəmtətin əh, in  
təməgətun nepətən rəha  
Uhgın lan, kən rəhan  
netənim min,  
kəmotahatətə əskasik lan.




Kən İesu təmuwin e nimə rəha Pita,  
kən muwin imə məplan uhu Pita  
tatətəp-ətəp mətapil.



Kən tēməg-əfəmäh-in nelmın mek nelmi pətaguıhl un,  
kən nətəp-ətəpən tēmagım mikə, kən tinətul. Kən  
minatol nagwənən niği lesu.



Tinehnaipən mit tinaht, nian rəha Sapat tinol namnun,  
kən netəm min u koatimis, ne netəm narmin rat tətatiḡ  
elat, pialat min  
kəmotəmik ilat motuwa  
o Iesu. Netəmim rafin  
e latuənu un kəmotuwa  
motargəfimīn əm ilat  
min əpəh e nafiluə  
e nimə un rəha  
Saimon ne Antru.




Kən lesu təmol-wir netəmim tepət u koatos nımışən  
pisin-pisin mın kotəwir, kən məhg-iarəp narmin rat tepət  
e netəmim, məto təmən-iəhau narmin rat mın məmə  
okəsotəghatən, məto-inu kinotitun rəkis məmə pah u  
lesu.




Kən netəmim itəm kəmotətul moatitəlau lan, kəmotalkut məmə okotek məto-inu nəsanənən tətisi-pən lan matol-wır ilat rafin.




Kən suah kuwit kəmotalis pialat kit motuwa o lesu itəm  
nipətin məsin təmimis mətapil-pər e rəhan nimitiwin.



Nian kəmotuwa, məto netənim  
kinotər əpəh imə, kən okol kotəruru  
nuwınən kehm İesu.



Kən kotlēs motuwīn əpəh ilīs e  
nimə motos-irəkīs nəhgi nimə  
məsin ətuatip əm əh lesu tatətul  
ikīn imə, kən motəhlman-əhlman  
suah un tatite e nimitiwīn rəhan  
muwīn iuəhkīr əm  
o lesu.



Nian Iesu tēməplan nahatətəən rəhalat, kən tən-ipən  
kəm etəm tatimis un məmə,

“Nətik, enos-irəkis rəkis  
nolən rat rəham.”


“latən-ipinə kəm  
ik məmə, etul,  
miləs rəham  
nimitiwın matuwın  
imam ikin.”



Kən lesu təmuwin e pot, kən rəhan min netəmin  
kotuwin ilat min. Kən təsuwəhən,  
nimətag asol kit tətul kən minol  
peau-peau asol min e lek, kən  
nəhau tatər-pən e pot,  
iuəhkir əm pot tətəmnim,  
məto lesu tətəpəl.



Kən lesu tēmən-ipən kəm ilat mēmə, “?Tahro nakotəgin pik? Rəhatəmat nahatətəən təkəku agin.” Kən tēmətul mən-iəhau nīmətag ne peau-peau asol min. Kən nīmətag tēmuraħl nelmin, kən tinəməlinu tinəməlinu. Kən netəmim rəha lesu narmilat tēmiwig pik moatən mēmə, “!Ei! ?Etəmim naka u? Nat əpnapin nīmətag ne nəhau, mətə ilau kətioal nəwian.”



Tol nəhlən, Uhgın təmolkeike pik  
netəmim e nətueintən, tol-pən in  
təmos-ipa Nətin Noan Kitəh Əm,  
məmə netəm mın u itəm koatahatətə  
lan, ilat okol kəsotimisən, mətə  
okotos nəmegəhən itulın.

40

60



Rom 3:23 mətə-inu netəmim rafin kəmotol təfagə rat kən motəmkakiəh e suatip rəha nətuaṭipən rəha Uhgın itəm təwır məhag-əhag,

Rom 6:23 Tol nəhlan mətə-inu nətouən rəha təfagə rat in nımısən, mətə nat itəm Uhgın tatos-ipa in nəmegəhən lilin e Kristo Iesu rəhatat lərəməre.

Hiprus 9:27 Kitat netəmim, Uhgın tınələhəu nian ətuatip rəhatat kitieh kitieh məmə okotimis lan, mau kitieh əm. Kən uarisig lan un, in otakil rəhatat nolən mın.



Efesus 2:8,9 E nēwīrən asol rəha Uhgīn itəm tēmawte-in kəm itəmat, in tēmosmegəh itəmat e nahatətəən, kən natimnat min əh, sənəmə itəmat atip nēmotol, mətə in nat kit itəm Uhgīn tatos-ipa əpnapīn əm kəm itəmat, sənəmə e wək kit itəm itəmat nēmotol, kən tol nəhlan ko suah kit tēsos-ipər atipən in ron.

Rom 10:9,10 Tol nəhlan mətə-inu, okəmə nakən-iarəp e nohlīm mēmə lesu in lərəmərə, kən okəmə nakahatətə e nīkim mēmə Uhgīn tēmosmegəh in e nīmīsən, kən Uhgīn otosmegəh ik. Kən inu nīpahrienən nəhlan mətə-inu Uhgīn tatol etəmim kit tatətuatip e nīganəmtīn nian suah əh tətahatətə lan pahrien e nīkin. Kən Uhgīn tatosmegəh etəmim kit nian in tatən-iarəp e nohlīm mēmə lesu in lərəmərə rəhan.



Jon 3:16,17 Tol nəhlan, Uhgin təmolkeike pik netəmim e nətueintən, tol-pən in təmos-ipa Nətin Noan Kitiəh Əm, məmə netəm min u itəm koatahatətə lan, ilat okol kəsotimisən, məto okotos nəmegəhən itulin. Uhgin in təməsahl-ipamən Nətin tuwa e nətueintən u məmə otən-iarəp nalpinən rəha nolən rəha netəmim rəha nətueintən, məto in təmahl-ipa, məmə otuwa mol suatip o nosmegəhən netəmim e nətueintən.

1 Jon 5:11-13 Kənu nəghatən itəm Uhgin təməni-iarəp o Nətin, in tol nulan. Uhgin təmos-ipən nəmegəhən lilin kəm itat, kənu nəmegəhən u, katos o Nətin. Etəm tatos Nətin, in tatos nəmegəhən. Məto etəm təsosən Nəti Uhgin, in təsosən nəmegəhən. İatətə nəghatən min u kəm itəmat netəm kotahatətə e Nəti Uhgin, məmə onəkotitun məmə itəmat nakotos nəmegəhən lilin.



Matiu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

North Tanna NT (tnn) © 2007, Wycliffe Bible Translators,  
Inc. All rights reserved.

<https://www.bible.com/bible/1228/MAT.1.TNN>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

